

Universitätsbibliothek Wuppertal

Danielis Chamieri Delphinatis Panstratiæ Catholicæ, sive Controversiarvm De Religione Adversvs Pontificios Corpvs.

Tomis quatuor distributum. : cum indicibvs necessariis.

De Canone Fidei

Chamier, Daniel

Frankfurt, 1627

Liber quintus

Nutzungsrichtlinien Das dem PDF-Dokument zugrunde liegende Digitalisat kann unter Beachtung des Lizenz-/Rechtehinweises genutzt werden. Informationen zum Lizenz-/Rechtehinweis finden Sie in der Titelaufnahme unter dem untenstehenden URN.

Bei Nutzung des Digitalisats bitten wir um eine vollständige Quellenangabe, inklusive Nennung der Universitätsbibliothek Wuppertal als Quelle sowie einer Angabe des URN.

[urn:nbn:de:hbz:468-1-907](https://nbn-resolving.org/urn:nbn:de:hbz:468-1-907)

LIBER QUINTVS. DE CANONE.

Caput I.

LIBRI CONTROVERSI NON SVNT SCRIPTI A PROPHETIS.



Vnc ordine post refutata Papistarum argumenta; nostra veniunt enu...

II. Argumentum primum. Omnes libri Canonici veteris Testamenti, scripti sunt a Prophetis. At hi omnes...

Non voluntate hominis allata est olim Prophetia: sed Spiritu Sancto acti loquuti sunt sancti viri Dei. Et Paulus ad Hebraeos, πολυμερῶς κὶ πολυσηδῶς...

III. Iam vero minor sic probatur. Nulli qui post Malachiam scripserunt, fuerunt Prophetae: At horum librorum auctores scripserunt, post Malachiam: Ergo...

IV. Assumptio probatur ex Genebrardo, qui lib. 2. Chronologiae ad annum mundi ter millesimum sexcentiesimum...

V. Andradius argumentum conatur infirmare: primum negas necessario nobis cognitos esse oportere librorum sacrorum auctores: testimonio fretus...

Si Spiritus gratia, tantum auctoritatis obtinuisse noscuntur. Secundo, Si certo, inquit Andradius, demonstrare necessario debemus, sacros hos libros fuisse a Prophetis compositos...

VI. Respondeo ad primum: neque Gregorium neque Iuniliu negare libros Canonicos a Prophetis debuisse componi: sed duntaxat, non esse necesse eorum singula nomina nobis esse cognita...

VII. In secundo varie peccatur. Primo: etiam si non possit de quibusdam libris necessario demonstrari fuisse a Prophetis compositos, tamen non propterea necesse non est, ut sint a Prophetis compositi...

VIII. Ad tertium, expecto dum mihi preclaros illos suos auctores indicet, qui Israelem nunquam destitutum fuisse dicant Prophetis: nam ego contra, ne inuitatus quidem meos nominavi, produxi que testes...

IX. Gregorius distinguit Prophetas in proprie dictos, & latius acceptos, qui aliquid sibi diuinitus reuelatum cognouerint, literisque mandarint. De illis, negat maiorem primi syllogismi: de his autem minorem...

X. Sed Prophetarum nomen fateor ego quidem paulo latius sumi, quum significat quosuis auctores librorum Sacrorum, quam cum peculiariter enuntiatores Prophetiarum, quibus non nisi futura praedicebantur...

XI. Hoc autem modo falsum est, nullum futurum librum adaequate factum. Quid enim, si non est adaequate Prophetia? Nam hoc quidem nihil ad rem: dum sit totus scriptus ab autore...

XII. Non demonstrari auctorem quorundam librorum sacrorum, esse Prophetam: primo nihil ad rem: nam aliud est non demonstrari fuisse prophetiam: aliud est vero demonstrari non fuisse prophetam...

XIV. Deinde si non demonstrari Prophetas: intelligas ita, ut hunc illum ue iudices peculiarem virum, cui hoc illudue nominis fuerit: concedimus non posse demonstrari. Sed quis hoc praescripsit, ut nulli sint libri Canonici, praeter eos, quorum auctores ita sint nominatim cogniti...

LI. Sextum mendacium. Id bellum describitur gestum auspiciis imperioque summi Sacerdotis. Capite 4. Sacerdos etiam Eliachim scripsit ad vniuersos qui erant contra Esdrelon...

LIV. Hoc vero non fit verisimile. Nam politica potestas non fuit penes Sacerdotes, neque horum quisquam rebus bellicis gerendis prefectus legitur. Tum autem perpetua fuit regum series...

LV. Respondet Bellarminus forte hoc bellum incidisse in ipsam Manassae captiuitatem: & iccirco regis absente per Pontificem negotia regni procurata fuisse. Fortasse etiam Regis mentionem non esse factam...

LVI. Verum quis tam rudis in disputando, ut non obseruet hanc titubantis iudicij indicia, causam proderet? Forte (inquit) ita fuit. At nos, forte inquit, haud ita fuit. Ergo aut falsum statuit Bellarminus, aut incertum...

LVII. Grefterus ex Serario quatuor causas docet. Primam, quod Manasses, maxime sub initium reditus, totus fuerit occupatus in cultu Dei, adeo ut penes eosdem maneret adhuc regni administratio...

LVIII. Sed haec omnia situm redolent literarj cubiculi, otiosamque sophistarum imaginationem. Prima causa, primo aduersatur Bellarmino, & Gordonio, qui annos pacis putant ab ipso anno capti Manassis. Quod si est, tum omnino necesse non dum reducem fuisse Manassen...

LIX. Sacerdotum autoritatem, quae secunda causa erat, fuisse semper maximam, nemo negat: sed in administrandis sacris: nam in obeundis regiis muneribus, imo bellis gerendis, nemo docuit. Nec habent similem quicquam qui citantur loci...

LX. In Deuter. 13. non video equidem quid Serario commodum esse possit. Num. 27. puto illud, quod iubetur Iosue egredi & ingredi ad verbum Eleazari sacerdotis. Verum id nullum imperium erat: tantum oraculi responsum...

LXI. In Iosepho contra Appionem ista legi, τὸν θεὸν μὴ ἀγαθὸν πρὸς ἡμᾶς ποιεῖν (nimirum, quod deus non sit pro nobis) ἵνα οὐκ ἐπιτρέψωμεν τῷ βασιλεὺς ἐπιβῆναι ἐπὶ τὴν πόλιν...

LXII. Nec in Manassis tempore maius momentum. Nam neque regis pietas, profundissimaque demissio significat abdicacionem munerum regio Tom. I.

rum: nec communis boni utilitas, regem arceat ab administrando bello. Et quod de secundissimo populo est, diuinatur a Iesuitis. Nam cur non secundissimo populo fieret, ut rex, & quidem altissima pietatis rex publica administraret...

LXIII. De Hierosolymis muniendis, rursus diuinatio est. Et quidem contra illud pietatis μερολομμωσι, quo nobis persuasum iri sperabant, regem dimississe curam belli: Nam haec vniuersi vrbis munitio, cur minus impediuit hanc partem...

LXIV. In quarta causa, obliti sunt Iesuitae ieiunia publica indicta fuisse a regibus. Secundi Chron. 20. 1. Reg. 21. Deinde diuinarunt de precibus, ieiuniis, ciliciis mandatum fuisse in literis illis Eliachim, quod est contra codicis fidem...

LXV. Septimum mendacium. Capite 4. dicuntur filii Israel, qui habitant in terra Iuda, timuisse a facie Holophernis, & misisse in omnem Samariam per circuitum Ierico vsque ad occupandos montium vertices. At vero, qui poruit Iudaeorum imperium admittente Samariam? Nam discesserat a Iudaeis paulo post Salomonis mortem...

LXVI. Octauum mendacium, ex c. 5. Achioris Holophernem docentis statum Iudaeorum. Verba ita habent in Graeco contextu. Καὶ ἴσως ἡ χημερὸν ἐξ ὁπίου ὁ θεὸς αὐτῶν ἰσχυρῶς ἐπέταξε αὐτοῖς ἵνα μὴ φοβηθῶσι τὸν ὄλεθρον...

LXVII. Ceterum, ex Achioris oratione colligimus, hanc historiam, si fuit historia, accidisse non tantum post abductum populum in captiuitatem Babylonicam, sed etiam post reditum ab eadem captiuitate: imo vero etiam post restructuratum templum. Abductio accidit annis post initium Manassis circiter centum & decem. Reductio annis septuaginta serius...

LXVIII. Bellarminus negat hunc locum intelligendum de captiuitate Babylonica. Et argumentatur, Primum, si ea intelligeretur, non dicerentur Iudaei exterminati a multis nationibus, sed ab vna. Secundo, non dicerentur plurimi abducti captiui, sed omnes: paucissimi enim remanserunt relicti a Nabuchodonosore...

LXIX. Sed quid illis fiet verbis, quibus asseritur templum destructum, ἐγείρω (inquit) αὐτὸν ἐν τῷ ὄρει. Nunquam historia templum euersum narrat ante Nabuchodonosoris tempora. Illa (inquit) Bellarminus, supposititia videtur: quandoquidem sanctus Hieronymus, qui fidelissime transtulit ex Chaldaeo sermone in Latinum, nihil de euerfione templi in sua editione posuit.

LXX. Quid autem (inquam) si detracta potius fuerunt e Latina interpretatione? Neque enim maior cecritudo Latina, quam Graecae editionis. Et cum

untur tamen in ordinem eorum, quibus inest autoritas diuina, id est, non reiciuntur simpliciter, sed reiciuntur a Canone. Atque hoc modo dico hos libros reiectos ab Hebraeis: id est nullam esse differentiam inter non admittere in Canone, & reicere a Canone.

VII. Hayus. Quia ratione Veteris Testamenti Canonem minus, quem Ecclesia Christi probauit, eadem plane & Nouum Testamentum quod Iudaeorum Synagoga nunquam recepit, asseruerit. Argumentum erit huiusmodi: Si omnes libri reiciendi sunt & Veteri Testamento, quos Iudaei in Canone non admiserunt: Ergo libri Noui Testamenti erunt reiciendi.

VIII. Cordubensis, vt doceat licuisse discedere a Canone Iudaeorum sic disputat. Sicut quidam siue mysteria Synagoga ignota Christiana Ecclesia explicite credit, ita quorundam librorum auctoritas ignota Synagoga, Evangelica Ecclesia est nota.

IX. Respondeo Cordubensem non bene comparare: non enim similia esse mysteria Christiana, libris illis quos Apocryphos dicimus. Nam primo mysteria illa nunquam fuerunt a Synagoga reiecta, sed tantum ignorata: hi autem libri non ignorati, sed exclusi siue reiecti a Canone.

αδραση η δα κη μιλια ωσαυτα και κικαιουσι μια εχη τα βιβλια και εη της αυτου... Παιριμιου, Νουμιου, Δευτερονομιου: Ιουε, Ιουδες, Ρυθ, Ρεγουμ quatuor, Παλιπομενον, Εδρας, Πλατερη, Προυερβια, Εκκλησιαστες, Καντικου, Ιουβ, Δωδεκιμ Προφητα, Ελαιας, Ιερεμιας, Εζεχιελ, Δανιελ.

IV. Hieronymus Epistola ad Paulinum eundem Catalogum recenset, Spiritus Sanctus est qui in veteri Testamento legem & Prophetas, in Nouo vero Euangelia & Apostolos inspirauit: unde & Apostolus dicit: Omnis Scriptura diuinitus inspirata, utilis est ad docendum.

CAP. X.

An ij libri numerati sint olim in Apocryphis.

Argumentum sextum. Quos libros Ecclesia Christiana numerauit inter Apocryphos, primis multis seculis, ij non sunt Canonici.

II. Minor probatur dupliciter: primo ab enumeratione Canonicozum, deinde ab Apocryphorum designatione. Canonis enumerationem habemus a plurimis auctoribus, qui omnes extra eum ordinem posuerunt eos libros de quibus iam contendimus.

III. Athanasius in Synopsi, παυτα γραφη ημων ηρησιανων ης περ ους εστιν. ουν Tom. I.

Sunt igitur Veteris Testamenti libri viginti duo: tot enim (vt auidui) etiam littera apud Hebraeos esse traduntur. Et enumeratione absolutae est ταυτεις μονοις η τ δισ βιβλιας διδυσκαλοιο δωδεκαλιζετω.

V. Leontius Aduocatus Byzantinus libro de Sectis, action. 2. απεριμνησωμεθα τα Εκκλησιαστικα βιβλια.

VI. Lyranus prologo i. in Biblia satis prolixè & discrete huius distinctionis in Canonicos & Apocryphos, vsum exprimit, & commendat.

fieri Canonicos: Secundi ordinis, cum ab initio semper viderentur esse sancti & boni, tandem etiam pro diuinis & Canonicis declaratos esse: Tertii, à patribus proxime subsequētibz relatos esse in Canonem. Hæc aduersarii.

IV. Nos contra. Primo pertinacius quam verius negari constitutum fuisse Canonem. Testes enim produximus ex variis seculis, adusque quartum decimum. Quin etiam potuimus ex quinto decimo, & sexto decimo, nempe teste Cano, Abulensē, Antoninum, Caietanum. Quid igitur? ne his quidem postremis seculis volunt Canonem esse constitutum, præterquam nuper in Concilio Tridentino? Nam decretum, opinor, nullum proferre possunt, ante Tridentini Conciliabuli *Storia*. Illi tamen argumento primo i. lib. Canonem repetebant inde ab ipso Augustini seculo: at post id seculum testes habemus non paucos, Leonium, Damascenum, Gregorium, auctorem librorum de mirabilibus Scripturæ, qui Augustino tribuuntur, Lyranum, Richardum de S. Victore. Sed ex eodem etiam seculo nominamus multo plures, quam illi, Habent enim tantum, vt dicebam, Innocentium, Augustinum, & Concilium Carthaginense tertium. Nos vero Athanasium, Gregorium Nazianzenum, Hieronymum, Rufinum, Epiphaniū, Cyrillum Hierosolymitanum, Amphilochem, Philastrum, & Concilium Laodicenum. Eligant vtrum velint: Vel enim quarto seculo constitutus fuit Canon, vel non fuit constitutus. Si fuit, tum nos oportet plures testes paucioribus præferre, & credere constitutum fuisse non qualem ex triplici tantum testimonio, Papiſta colligunt, sed qualem nos probamus nouem testibus. Si non fuit, tum doctorum nominatorum auctoritas non maior est, quam quanta esse potest eorum qui suam sententiam expriment, & rursus plurium sententia præferenda est: vt vtroque modo euincamus Canonem nostrum vel tum fuisse constitutum, vel postea fuisse constituendum.

V. Sed fuisse constitutum disertius probō, primo ratione, deinde testibus. Sic enim argumentor: Si non fuit tum constitutus, ergo nunquam. At non fuit nunquam constitutus: Ergo tunc. Assumptionem vtrique concedunt: Consequētia probatur, quia, si tum non erat constitutus, & tamen aliquando fuit constitutus: ergo oportet aliquo postea seculo fuisse constitutum. At hoc est falsum. Ergo & illud. Assumptum patet, quia post quartum seculum, quod erat Augustini, nihil accidit noui quo constitui poterit. Non enim aliquis vnus tantam rem potuit sua auctoritate definire. At nullum potest vniuersale Concilium proferri, quod suo decreto quicquam eauerit huiusmodi. Trullanum enim etsi confirmat Concilium Carthaginense, tamen, vt alias diximus, & ab ipsis aduersariis non agnoscitur pro legitimo, & confirmat etiam Concilium Laodicenum, Florentinum autem & Tridentinum, si comparentur ad Trullanum, ne Concilij quidem nomine digna inueniuntur, non vniuersalia, non legitima, non orthodoxa aut Catholica: sed particularia, latrocinantia, & hæretica. Ergo nullo post quartum seculum tempore, canon fuit constitutus.

VI. Sed testes habemus disertos. Nam ipsi antiqui illi Patres nonne subinde Canonem nominant? At si nullus fuisset, quis nominasset? Nec id tantum, sed diserte distinguunt libros Canonicos ab Apocryphis, quod fieri non potuit, quin iam tum certus esset eorum numerus quos Canonicos appellarent. Sed quid coniecturis ago? Audiamus Augustinum lib. 11. contra Faustum cap. 5. *Distincta est à posteriorum libris, excellentia Canonica autoritatis Veteris & Noui Testamenti, qua Apostolorum confirmata temporibus, per successiones Episcoporum, & propagationes Ecclesiarum, tanquam in sede quadam sublimiter constituta est, cui seruiat omnis fidelis & pius intellectus.* Idem lib. 15. de Ciuit. Dei c. 21. de Apocryphis, *Qua omnia sub nomine Apocryphorum auctoritate Canonica diligenti examinatione remota sunt.* Vbi tamen videret restituenda propositio, vt legamus ab autoritate Canonica; ne quem fallat amphibolia. Athanasius etiam ante Augustinum ita scripserat, habere scripturam, *ὅσα ἀόρατα ἀὶ ἀκίνητα ἰστοροῦν, καὶ κεραινοῦν τὴν βίβλιαν.* Quibus veris respondent Augustini verba ex 3. c. li. 2. de Baptismo contra Donatistas, *Quis nesciat sanctam Scripturam Canonicam (βίβλια κεραινοῦν) certis suis terminis contineri? ὅσα ἀόρατα, ἀὶ ἀκίνητα.* Quid potuit luculentius dici, ad refellendam aduersariorum negationem? Et sane eo plures hæc faciēda testimonia, quod nullum aduersarii autorem proferre possunt, qui aliquando significauerit nondum fuisse constitutum Canonem. Quod autem non omnes conueniunt in nominandis omnibus libris qui ad eum Canonem pertinent, non sufficit ad euincendum eum Canonem non fuisse constitutum, sed arguit duntaxat, nonnullos sibi plus æquo permisisse in eo Canone iudicando. Est autem valde iniquum, de omnium Ecclesiarum sententia iudicare, ex paucorum virorum testimonio. Sunt enim omnino pauci ii qui de nonnullis Noui Testamenti libris paulo seferunt iniquius, si ceteris comparentur.

VII. Hosii & Stapletoni determinatio habet pro fundamento dubitationem, quam necesse est, nisi longe discedant aduersarii à vocis proprietate, ita intelligi, vt significet non satis certos fuisse Patres vtrum Canonici fuerint libri, an vero Apocryphi. Itaque dico aduersarios multipliciter peccare. Primo, Stapletonum: qui inter libros, de quibus sit dubitatum, etiam eos numeret, qui nunquam sint in Ecclesia probati neque à populo, neque à doctoribus. Et eos rursus, qui à Patribus proxime post Apostolos, relati sunt in Canonem. Quæ certe magna est incogitantia. Secundo omnes, hæc exceptione vtentes ad nominatos à nobis ex antiquitate testes. Quid enim? an audent asserere ab iis dubitarum esse? At verba contrarium signifi. ant, omnes enim, libros à nobis Apocryphos appellatos nullo verbo significant posse introduci in Canonem, sed securi excludunt. Exempli gratia, cum dixit Hieronymus, quidquid extra hos est, inter Apocrypha esse ponendum, dubitantissime videtur ea vox an certo affirmantis? Rursus, cum vult, quæcumque non sunt apud Hebræos, procul esse abicienda, an superest aliquid quo niti possint ii qui audent dicere non satis certum fuisse Hieronymum, quo in ordine illa constituerentur?

VIII. Quin potius considerent, ex nostris testibus nullum esse qui non confidenter testimonium dicat, neminem qui sibi in hac causa diffidere vel testetur, vel tantillo prodar indicio: Quam confidentiam suis omnibus vindicare non possunt. Nam Augustinus & cum totum Canonem enumerat, vt alias obseruauimus, præmittit auditorem certis cautionibus, vt ne

omnes eodem habeat loco, vsque adeo vt eum Bellarminus negarit æque certum fuisse de omnibus vtrum essent Canonici. Et cum de Maccabæis nominatim agit, ita meticulosum videas, ita consideratum, ac titubantem, vt pene miseratione. n. ex. itet. Receptus est, inquit, Esto, inquam: sed quomodo? Non inutiliter: quam timide! propter quorundam martyrum passionēs. Caute! Si sobrie legatur. Quis non hoc verbo titubantem agnoscat? Nam profecto Geneseos liber siue caute legatur, siue incaute, tamen est Canonicus. Itaque si quicquam in hoc argumento dubitatio valet, valet profecto pro nobis aduersus Canonem Tridentinum.

IX. Tertio peccat Stapletonus, qui populum opponat magistris Ecclesiasticis. Sic enim Schismaticam nobis Ecclesiam refert: in qua variz sint in rebus fidei, discrepantesque Doctorum & plebis sententiæ, quod non oportet: vix etiam fieri potest, cum libros non aliunde plebs accipiat quam à Doctoribus: nec librorum etiam auctoritatem, quanta cuique tribuenda sit: nisi forte eos nobis doctores proponat, qui plebem non doceant: cuiusmodi apud Papiſtas sunt infiniti, ex quorum, credo, modulo reliquos metitus est.

X. Quarto, si quicquam ad rem hæc facit oppositio, tum ea pro nobis militat. De his enim libris qui à nobis ex Canone eiciuntur, docti dubitant, imperiti contra sententibus. Testes habeo, primo Hieronymum Prologo in Daniele qui testatur se subiecisse Susannæ historiam, Hymnum trium puerorum, Belis & Draconis fabulas, *ne videremur apud imperitos magnam partem voluminis detruncasse.* Secundo Lyranum prologo 1. multi qui ex eo quod non multam operam dant Sacra Scriptura, existimant omnes libros qui in Biblia continentur, pari veneratione esse reuerendos atque adorandos, nescientes distinguere inter libros Canonicos, & non Canonicos, quos Hebræi inter Canonica computant, vnde sæpe coram doctis ridiculi videntur. Significat igitur Hieronymus & Lyranus suo tempore imperitiores libros eos habuisse pro Canonicis, sed peritiores dubitasse, siue potius non dubitasse, sed eos habuisse pro Apocryphis.

XI. Iam ad Hosii exemplum, respondeo, non esse simile. Nam primo, dissimilitudo magna est inter vnicum Thomam, nondum accepto Spiritu Sancto, & vniuersam Ecclesiam, in qua sunt ipsi Apostoli, qui etiam post Spiritum S. acceptum cælitus, hos libros reliquerunt inter Apocryphos: quæ differentia, indicat illam Thomæ dubitationem de resurrectione, originem habuisse ex eius defectu, ideoque fuisse vitiosam: sed hoc de Apocryphis iudicium non posse imputari humanæ infirmitati: quia in rebus fidei, ducti sint Apostoli in omnem veritatem. Secundo eam resurrectionem Thomam in dubium vocauit, quam non habebat cognitam: sed hos libros ii reliquerunt inter Apocryphos, à quibus erant optime cogniti; & quidē, vt loquebatur Augustinus, habito diligenti examine. Tertio, Thomas de resurrectione tantum dubitauit, at non etiam negauit Christum resurrecturum. Sed de his libris non tantum dubitarunt partes, vtrum essent Canonici, quasi rem totam in medio relinquere, sed conceptis verbis hæc negarunt esse Canonicos, & asseruerunt esse Apocryphos: imo etiam dixerunt non esse recipiendos, imo potius reiiciendos. Quarto ea resurrectio certi simis argumentis postea credendam prodidit Thomæ, vt dubitare desisteret. At hos libros qui inter Apocryphos primo nominabant, nunquam deinceps sententiam retractarunt: imo ne post eos quidem nulla apparent noua argumenta quibus doceantur recipiendi, sed ne quidem esse recepti. Quare quemadmodum in reliquis fidei articulis, quia constat eos qui hominem nudum assererent Christum ab ipso statim initio repudiatos, deinceps etiam nunquam esse recipiendos: simili prorsus ratione, cum certum sit hos libros ab ipso Apostolorum seculo fuisse à Canone exclusos, necesse est, vt eos nunquam deinceps admitat Ecclesia.

XII. Alphonſus de Castro lib. 1. aduersus hæreses cap. 2. sic disputat, *Eritne Ecclesia semper in eodem statu vt nunquam proficiat? Absit. Proficit enim, vt in virtutibus & bonitate, ita in scientia & doctrina, Deo eam quotidie plenius illustrante. Propter hoc in Canticis, Ecclesia comparatur Aurora. Quæ est ista, inquit, qua progreditur tanquam Aurora consurgens? Aurora autem temporis successu magis splendet, vehementius rutilat. Sic etiam si velimus Ecclesiam à calce, vt dicitur, ad carceres reuocare, quam parua lux in principio nascens Ecclesia? tunc enim paucissimis notum mysterium illud absconditum. Illi etiam quibus nosse datum est (Apostolos excipio) non tam plene & perfecte sicut posteri. Quo fit vt multa nunc sciamus, quæ à primis patribus aut dubitata, aut prorsus ignorata fuerunt.*

XIII. Respondeo Ecclesiam semper proficere, in membris suis, quæ quotidie promouent in fide & pietate. Sed fidem ipsam non promoueri sic vt augeantur fidei dogmata, & aliquot post Apostolos seculis, nonnulla reuelentur, quæ ab initio non essent reuelata. Ita diserte Lyranensis, *Annunciare aliquid Christianis Catholicis, præter id quod acceperunt, nunquam licuit, nusquam licet, nunquam licebit: & anathemare eos qui adnunciant aliquid præterquam quod semel acceptum est, nunquam non oportuit, nusquam non oportet, nunquam non oportebit.* Sed & idem de profectu Ecclesiæ. Dicit aliquis, *Nullusne ergo in Ecclesia Christi profectus habebitur religionis? Habeatur plane, & maximus. Nam quis ille est tam inuidus hominibus, tam exosus Deo, qui istud prohibere conetur? Sed ita tamen, vt vere profectus sit ille fidei, non permutatio, siquidem ad profectum pertinet, vt in semetipsam vna quæque res amplificetur: ad permutationem vero, vt aliquid ex alio in aliud transuertatur. Crescat igitur oportet & multum vehementerque proficiat tam singulorum quam omnium, tam vnius hominis, quam totius Ecclesiæ astatum, ac seculorum gradibus intelligentia, scientia, sapientia: sed in suo dumtaxat genere, in eodem scilicet dogmate, eodem sensu, eademque sententia. Imitetur animarum religio rationem corporum, quæ licet annorum processu numeros suos enoluant, & explicent, eadem tamen quæ erant permanent. Et reliqua in eandem sententiam egregia. Itaque fallitur Alphonſus, qui ita proficere vult Ecclesiam, vt quotidie nouas addat fidei particulas. Fallitur cum negat plurima fuisse initio Ecclesiæ cognita, quæ nos hodie cognoscimus. Etsi enim verum sit in Ecclesia Papiſtica, multa haberi eiusmodi, tamen non debent errores Papiſtici officere sinceræ fidei.*

CAP. XII.

An Ecclesia possit adhuc libros ad Canonem adiciere.

I Stapletoni vero disputatio specimen est audaciae Papisticae, qua nihil sibi licere vult Episcopus Romanus pro arbitrio novos libros Christianis obtrudere in Canonem admittendos. Rursus autem multiplici distinctione puluerem inicit lectorum oculis. Quadrupliciter enim Scripturam nouam partitur: ut primus ordo sit, eius scripturae: quae noua sit quoad solam approbationem & declarationem, non autem quoad ipsam scripturam, nimirum quia iam olim sit edita. Secundus, eius scripturae, quae noua sit non tantum quoad approbationem, sed etiam quoad scripturam, nimirum quae iam primum componatur & edatur. Tertius, eius scripturae, quae ita sit noua quoad approbationem, ut iam olim reprobata sit, ut Euangelium Thomae, Petri, & similia. Quartus eius scripturae, quae ita sit quoad approbationem noua, ut eam nec reprobauerit, nec approbauerit verus Ecclesia, saltem ut de eius approbatione constet, quia vel nullum profusus de illa iudicium tulerit, eam in medio relinquens & tolerans, vel si approbaui, de approbatione certo non constet.

II. Sic Stapletonus imperite, quatuor faciens ordines, qui re vera tres sunt: nam duo postremi, ad primum pertinent, hoc modo: Scriptura noua dicitur, vel quoad scripturam, vel tantum quoad approbationem: haec duplex, vel olim reprobata, vel non reprobata, etsi non probata. Vult igitur Stapletonus Scripturam nullam quae quoad scripturam noua sit, post se vltima autoritate in Canonem recipi: ac ne eam quidem quae olim reprobata fuerit: sed duntaxat eam quae etsi non constet de approbatione, non fuit tamen approbata.

III. At nos negamus licere vlla autoritate admitti in Canonem vllam scripturam quae non fuerit statim ab initio constituti Canonis excepta pro Canonica, quantumlibet utilis sit, quocumque prodierit tempore. Et habemus consentientem ex Papistis Thomam Valdensis lib. 2. tom. 1. Doctrinalis fidei c. 20. *Ecclesia dicit non posse iam augeri librorum numerum: quia lex Christi iam attigit ad perfectum. Ecce, non minor est potestas hominis in naturalibus, cum creuerit ad perfectum hominem, quam cum infans fuit, & cepit crescere: tunc autem habebat quo cresceret per pollices, atque pedes usque ad debita quantitatis ascensum: cum autem factus est vir, non potest, sicut Dominus dixit, adiciere ad staturam cubitum unum, imo nec pollicem. Ita ergo lex Christi per totum decursum veteris Testamenti infans erat, dicente Apostolo: quod nihil ad perfectum adduxit lex: temporis vero plenitudo fuit tempus Christi & Apostolorum. Usque tunc ergo, quia fides habebat quo cresceret, posses per appositionem librorum staturam perfectae proceritatis acquirere. Elapso autem Apostolico tempore non potuit censere amplius nisi quis dicat eam haecenus imperfectam. Habemus item Durandum Tertii dist. 20. q. 1. Hoc autem quod dictum est de approbatione Scripturae per Ecclesiam, intelligitur solum de Ecclesia, quae fuit tempore Apostolorum, qui fuerunt repleti Spiritu Sancto: & nihilominus videntur miracula Christi, & audierunt eius doctrinam, & ob hoc fuerunt conuenientes testes omnium quae Christus fecit, aut docuit, ut per eorum testimonium Scriptura continens facta & dicta Christi approbaretur.*

IV. Stapletonus vnicum habet argumentum: quia Ecclesia Apostolis longo tempore post succedens quosdam declarauit Canonicos scripturarum libros, qui tempore Apostolorum dubii sunt habiti. Praesens autem Ecclesia ab illa succedente nullo modo differentem habet potestatem. Ergo & praesentem Ecclesiam idem facere posse non est improbabile.

V. Respondeo sumi falsum: reuera enim nullos esse ab Apostolorum tempore libros admissos in Canonem. Nam quod ille articulo praecedente probasse iactat, receptas fuisse in Canonem auctoritate de eorum Ecclesiae, quae ab Apostolis & eorum successoribus receptae non erant, & quae mendacium est. Quid enim? Epistolam Iacobi in exemplum citat, de qua cum diu dubitatum esset, ut memorat Eusebius lib. 2. c. 22. tamen a Concilio Laodiceno & deinceps semper in Canonem accepta est. Libros etiam Machabaeorum, Iudith, Tobiae, & Apocalypsin, qui in Concilio Niceno, & alii in Canone numerantur. At haec mera sunt imposturae. Nam de Machabaeis, Iudith, Tobia, quod dicitur, petitio est principii: nos enim & negamus, & argumentis prolixè solideque refutamur. Epistolam vero Iacobi, & Apocalypsin, quam ridicule Sophista computat inter eos libros, qui ab Apostolis & eorum successoribus recepti non erant. Itane? ut quos libros ipsi scripserunt Apostoli, ii non sint ab Apostolis accepti, non sint probati? Monstrum hominis oportet esse, qui id aut dicat, aut credat. Scilicet Epistolam suam Iacobus non probauerit: aut post reliquos omnes defunctos, Ioannes de Apocalypsi dubitauerit. Somnia.

VI. Sed Eusebius testatur dubitatum esse de Iacobi Epistola. Imo (inquam) de Epistola etiam ad Hebraeos, de qua Apocalypsin Hieronymus in Epistola ad Dardanum. Sed primum hoc nihil ad Stapletoni quaestionem: quae erat non de libris, de quibus aliquando dubitatum fuerit, sed de iis qui non essent ab Apostolis recepti. Deinde haec iudicia fuerunt particularia, id est, paucorum siue hominum, siue etiam Ecclesiarum, non vniuersalia omnium Christianorum, aut etiam maioris partis. Epistolam Iacobi Eusebius dixit esse supposititiam. *ἰσχυρῶς ὁμολογῶντες*; at non item reliqui omnes. Epistolam ad Hebraeos Latini non admittebant: & Apocalypsin Graeci, teste Hieronymo: sed an omnes? nullo modo. Nam & ex Graecis plurimi Apocalypsin recipiebant, & ex Latinis Epistolam ad Hebraeos. Id inquit ipse Hieronymus eadem Epistola ad Dardanum, *Quod si eam* (inquit, nempe ad Hebraeos) *Latinorum consuetudo non recipit inter Scripturas Canonicas, ne Graecorum quidem Ecclesia, Apocalypsin Ioannis eadem libertate suscipiunt: Et tamen nos utramque suscipimus: nequaquam huius temporis consuetudinem, sed veterum Scripturarum auctoritatem sequentes, qui plerumque vtriusque adhibentur testimonium, non ut interdum de Apocryphis facere solent, quippe qui & Gentilium literarum raro videntur exemplis, sed quasi Canonicis & Ecclesiasticis.* Et Bellarminus ipse c. 48. ex Eusebii testimonio, non omnes, quod Stapletonus facit, sed quosdam colligit olim dubitasse de Epistola, Iacobi,

bi, Iudae, Petri 2. Ioannis secunda & tertia. Est autem valde iniquum, si quia quidam dubitarunt, ideo ab Ecclesia negemus receptas pro Canonicis. At notandum, ab Hieronymo opponi sua tempora praecedentibus: ut significet non fuisse inde a principio usque, sed a paucis annis dubitatum: nam Veteres eos libros vulgo usurpasse pro Canonicis. Itaque nihil Stapletonus probauit.

VII. Nos vero negamus quicquam hic licere Ecclesiae, his argumentis. Primum argumentum, quia nihil liceat addere ad verbum Dei. Responderet Stapletonus: Hoc non esse superaddere Scripturas sine fine: quia qui supersunt libri scripti Apostolorum tempore, eorum certus & exiguus est numerus. At illud sine fine quorsum? Ex argumento quidem quod ipse sibi proposuit. Sed quid ad nos? Nouimus enim Sophistarum morem hunc esse, ut sibi ipsi argumentorum laruas fingant quibuscumque lucentur. At nos scimus prohiberi non tantum ne sine fine addantur Scripturae scripturae: sed etiam ne quid omnino addatur ad Sanctas Scripturas. Etsi autem illa scripta, quae Stapletonus designauit, edita sint Apostolorum tempore, tamen non sunt Verbum Dei, aut Scriptura Sancta: itaque quisquis eas in Canonem intruderet, is addet non verbum Dei ad Verbum Dei.

VIII. Secundum argumentum: Si addi possent libri ad Canonem, ergo Canon non esset definitus siue constitutus. At posterius falsum: ergo Canon non esset definitus siue constitutus, quia cum Canon librorum nihil aliud significet quam numerum, & sciant omnes numerum constitutum & definitum excludere maiorem: certe quicumque augeri posse disputabit librorum Canonicorum numerum, eum necesse est negare, numerum iam esse definitum: aut contendat male definitum. Assumptio autem patet ex variis Patrum locis. Athanasius in Synopsi dicebat *τὸ βιβλίον* esse non tantum *κατανοητέον*, sed etiam *καὶ ὁριστὸν* non indefinita siue numero incerta, *ἀλλὰ μάλλον ὁρισμένη*. Augustinus, *Quis nesciat Sanctam Scripturam Canonicam certis suis terminis contineri?*

IX. Tertium argumentum: Si Ecclesiae praesenti liceret Canonicos facere eos libros, quos Antiqua Ecclesia reliquit in Apocryphis: Ergo maiorem auctoritatem haberet. At non habet: Ergo non potest. Probatur consequentia: quia rescinderet praesens Ecclesia iudicium antiquae: est autem id maioris auctoritatis iudicium. Minor patet ipsis aduersariis consentientibus. Nam ipse Stapletonus non ausus est nisi parem tribuere. Possunt respondere, nullum fuisse veteris Ecclesiae iudicium de iis libris: nam ita Stapletonus quartum suum explicauit modum approbandi nouas Scripturas. Quod si nullum fuit: ergo non poterit rescindi. At falsum sumitur: Nam Augustinus asserit Canonem constitutum esse diligenti examine habito. Non potuit autem esse examen diligens, nisi omnibus libris consideratis, ut tandem pronunciaretur hos pertinere ad Canonem, illos minime. Itaque etsi non habeamus concepta verba, ubi legamus hoc iudicium de Apocryphis: tamen non minus iudicati sunt: idque constat ex Canonicorum enumeratione. Nam cum infiniti sint Apocryphi, non necessaria est, imo vero etiam impossibilis eorum enumeratio: itaque sufficit Canonicorum numerum iudicasse. Atque hoc certissimum est iudicium argumentum. Sic Bellarminus cap. 20. concludit Psalmum 151. qui inuenitur in Graecis exemplaribus aliquot, esse Apocryphum, quia Veteres nominatim ponunt in Canone centum quinquaginta Psalmos.

CAP. XIII.

De libris Hermæ & Clementis.

I. ET quia libros Hermæ & Clementis protulit nominarim in exemplum, operæpretium erit examinare, ut hoc quasi specimen nouerimus ingenium Theologastorum Papistarum. Et primo de libro Hermæ, siue Hermetis, ea est Bellarmini sententia, ut referendus sit inter Apocryphos; non minus, quam alii, qui omnium sunt confessione Apocryphi, cap. 20. Quia in re si non fallitur, viderit Stapletonus, quae sit sibi spes residua.

II. Porro de auctore non satis constat: quidam illum censent qui a Paulo nominatur in Epistola ad Romanos c. vlt. teste Hieronymo in Catalogo. Origenes opinor, primus est apud quem id legitur; quem sequuntur Sixtus Senensis, & consarcinatores Bibliothecae Sanctae, qui hunc auctorem honestant titulo discipuli Pauli. Sed auctor libri Pontificalis, siue is Damascus est, siue Anastasius Bibliothecarius, alium nominat, qui vixerit temporibus Pii primi Romani Pontificis annis circiter centum seruis. Quod si verum, petit Stapletoni iudicium: scriptus enim liber est post Apostolorum seculum: quia vixit Pius ad annum a Christo nato 167. Negat autem Stapletonus posse admitti, nisi quae Apostolorum sunt tempore scripta: tempore autem Pii, iam pridem Ioannes vltimus Apostolorum excesserat è viuis. Sed quicumque tandem auctor sit, tamē liber haecenus nunquam est habitus pro Canonico, etiam si a nonnullis Veterum usurpata sint eius testimonia, paucis tamen iis, Origene, Athanasio, Eusebio, forte etiam Irenaeo: sed vix aliter quam citari solent quicumque non diuini: quod ne Stapletonus quidem reuocat in dubium. Et videre quilibet potest ex ipsis locis, quos initio tom. 5. collegerunt auctores Bibliothecae Patrum.

III. Sed quicumque tandem sit auctor, liber est alienus ab auctoritate Canonica: Habet enim nonnulla indigna Spiritu Sancto: habet errores manifestos. Indigna sunt, primum quod non tantum Ecclesia vocetur Domina; sed etiam Angelus Dominus: quod sane nunquam fecit vllus auctor Canonicus: secundo, quod siue Ecclesia, quae inducitur mulieris specie, siue Angelus, vix quicquam Hermam docet, nisi cum indignatione; atque, ut ita dicam, fustibus: adeo subinde sciscitanti irascuntur: & improbum appellant, & molestum; & versutum, & stultum & insensatum; & quid non? Ita ne solent Angeli? Tertio, is auctor inter Angelos satis confidenter officia partitur, alius praesit poenitentiae; alius poenis, alius bestis. Quid? quod iurantem Deum inducit per Filium?

IV. Sed erroris est crassissimus, cum iterata multis locis negat poenitentiae

placuit. Vnde Hayus vrget in hunc modum, *Si hanc excusationem probas, quod de parte Danielis hoc loco scripsit, idem de aliis libris, quos vos ipsius testimonio reticere conamini, ipsum sensisse existimabitis, ne secum ipse pugnet.*

III. Canus ad Synodum Laodicenam sic respondet, *Confirmatio, qua ab autoritate Concilii Laodicensis sumitur, imbecilla est. Non enim Concilium negat esse Canonicos, licet inter Canonicos voluerit annumerare.* Et de Rufino, *Is, inquit, Patrum traditiones ignorauit.* Et paulo post, *Non igitur Patrum traditione eos libros Rufinus, sed suo potius sensu refutauit.*

IV. Respondeo; quod aiunt Iudaeorum Canonem euumeratum esse, dupliciter intelligi posse, sic vt intelligatur idem Canon à Christiana Ecclesia esse vel improbus: vel probatus. Fateor ergo fuisse enumeratum Iudaicum Canonem, sed prorsus probatum, imo vero probandum ab Ecclesia Christiana: ac proinde ipsum etiam factum Canonem Ecclesiae Christianae. Quid enim? An fortasse Clemens in constitutionibus praecipua dabat Iudaeis? Imo Christianis. Necessè est igitur exposuisse numerum librorum, qui apud Christianos essent in Ecclesia recitandi. Melito ad Onesium scribebat, à quo fuerat rogatus, vt & sibi excerperet ex lege & Prophetis testimonia de Christo; ordinemque insuper indicaret ac numerum librorum: quorum? Eorumne quos Iudaei recipiebant? non ita: sed absolute, Veteris Testamenti: & quidem, quod facile colligi potest ex priore membro, eorum quibus vt solent Christiani ad suam fidem confirmandam. Satisfaciens igitur Melito, testatur se perrexisse vsque ad Orientis eum locum, *vbi praedicationis nostrae cepit exordium* (sic enim Christophorus veritatem diligenterque de omnibus explorasse, quae essent Veteris Testamenti volumina. En tibi Christianum Episcopum, proficiscentem in Iudaeam: quam ob causam? ad cognoscendos libros Veteris Testamenti. Sed quae illi ratio eum potius locum adeundi, quam alium? An quia ibi maxime & floruerit, & florere Iudaeorum religio? Nam ita videbatur, si Iudaeorum sententiam in enumeratione Canonicorum, solam quaesisset. Minime vero: Sed quia ibi, fidei nostrae cepit exordium. Peruenit igitur in Iudaeam. Quicum censeris communicasse? Cum Iudaeis. Demus hoc: sed an solis? Quis credat, Christianum, & Episcopum? Cum vtriusque ergo: itaque duorum alterutrum erit necessarium; vel vt Episcopus Christianus, Iudaeorum sententiam praerulerit sententiae Christianorum, vel vt eadem fuerit Christianorum & Iudaeorum sententia. At illud quis vnquam crediderit? Posterius ergo verum est.

V. Athanasii manifestiora sunt verba, quam vt vlla possit impudentia detorquere tanti viri sententiam, *Nostra qui Christiani sumus Scriptura diuinitus inspirata est: & libros habet non infinitos, sed finitos, ac certo Canone comprehensos.* Et dubitet etiam aliquis Athanasium enumerasse Canonem Christianorum? Hoc vero si liceat, quae supererit ratio cohibende audaciae? Epistola festalis initium est à cautione necessaria, ne libri Apocryphi habeantur pro veris Bibliis: scilicet: ille curam gerebat Iudaicae Synagoga Christianam negligens Ecclesiam.

VI. De Nazianzeno & Amphiloquio quid dicam? vterque enim, & Christianos alloquitur; & subnectit Noui Testamenti libros. Cyrillus Hierosolymitanus pro fundamento sui Canonis substruit, diligenter ab Ecclesia descendum esse qui sunt libri vtriusque Testamenti. Quis credat igitur id ipsum à Synagoga sumere maluisse? Praeterea, *Istorum* (inquit) *hos viginti libros lege, cum Apocryphis vero nihil habeas negotii: has tantum studiose meditare Scripturas, quas in Ecclesia confidenter legimus. Multo prudentiores te, & religiosiores fuerunt Apostoli, & primi Episcopi, veritatis duces, qui nobis eas tradiderunt. Tu itaque cum sis filius Ecclesiae, non transgrediaris illius terminos.* Quid potuit disertus? quid ad causam nostram magnificentius? Nam haec eius enumerationis originem referunt ad ipsos Apostolos, & primos Episcopos. Scilicet illi fauebant Iudaeorum superstitioni. Iam Synodi Laodicae Canones Iudaeis opinor non sunt, sed Christianis positi: vt mitam enumerati ab ea libros Noui Testamenti: id est, Canonem Christianum. Nam Canon Iudaeus non constat ex Nouo & Veteri Testamento. Leontius statim initio pollicetur se enumeraturum *τὰ ἀπὸ τῆς ἀρχῆς βιβλία*. Et ad finem *τῶν ἐν τῇ κεκατονησμένῃ βιβλίᾳ*; quatinus tu apud quos? Respondet *τῇ ἐκκλησίᾳ*. Quid Rufinum dicam? Nam is profecto Symboli Apostolici tradebat explanationem. Iudaeis ne, an Christianis? Et tamen haec ipsa expositio hunc Canonem continuit: Imo inchoauit his disertissimis verbis, *Quae sunt Noui ac Veteris instrumenti volumina, quae secundum maiorum traditionem per Spiritum Sanctum inspirata creduntur, & Ecclesiae Christi tradita, competens videtur in hoc loco euidenti numero, sicut ex patrum monumentis accepimus, designare.* Et absoluit in hunc modum, *Hae sunt quae Patres intra Canonem conuulserunt, ex quibus fidei nostra assertiones consistere voluerunt, Audin' Ecclesia tradita? Audin' fidei nostra assertiones?*

Et tu Iudaeos praetendas? De Damasceno, Lyrano, Richardo de S. Victore, credo non esse necesse quicquam dicere; res est enim notior quam vt controuerti possit.

VII. Hi omnes igitur Canonem Christianum enumerant. Quid tum igitur, si solus Hieronymus Iudaicum recenseret? Sed ne hoc quidem verum. Enumerauit, vt reliqui, Iudaeorum Canonem, quem Ecclesia Christiana & tenebat, & tenere debebat. Argumenta sunt haec: Epistola ad Paulinum, non tantum recenset vtriusque Testamenti libros, quod Christiani est hominis, non Iudaei; sed etiam post eos enumeratos. *Oro te* (inquit) *frater charissime, inter hac viuere, ista meditari, nihil aliud nosse, nihil quaerere, nonne tibi videtur iam hic in terris regni caelestis habitaculum? An credimus Hieronymo eam mentem fuisse, vt nihil aliud legendum esse diceret praeter libros Canonis Iudaici? Minime, erat enim Christianus. Rursus praefatione in libros Solomonis, nominatim testatur eos libros, qui à nobis dicuntur Apocryphi, legi ab Ecclesia: non recipi tamen inter Canonicos. Tertio, nonne illos negat recipiendos ad Ecclesiasticorum dogmatum confirmationem? Ergo, non Iudaeorum respectu, sed ipsius Ecclesiae Christianae, Canonicos nominauit & Apocryphos.*

VIII. Ad ea vero quae citabantur ex secundo libro contra Rufinum: primum nego Hayi consequentiam, quae quod dictum est de partibus Danielis, extendit ad reliquos libros: re vera enim non adeo distincte, ad eoque diserte suam de iis partibus sententiam protulit, ac de reliquis libris: sed sub Iudaei persona indicare maluit. *Audui* (inquit) *ego quendam de praepositis Iudaeorum, cum Susanna derideret historiam, & quae sequuntur reliqua. Sed de aliis libris, ipse suam suis verbis sapienter sententiam proponit. Secundo dico, hanc Hieronymi excusationem tergiversationem esse potius eius qui inuidiam sibi ab aduersario constatam amoliri studeat, quam legitimam purgationem eius, qui crederet ad se nihil attinere eam accusationem. Enimvero ille non simpliciter, quid Iudaei dicerent retulerat, sed quid ipse etiam sentiret indicauerat. Non possunt enim alio referri haec verba, *Has nos veru anteposito easque ingulante subiecimus, ne videremur apud imperitos magnam voluminis partem detruncasse.* Praeuidebat igitur si eas partes non subiecisset, se calumniam passurum: sed à quibus? Ab imperitis. Imperitos ergo Hieronymus eos omnes appellat, qui has censerent partes Danielis. Et neget nunc aliquis eum quid ipse sentiret expressisse? Sed nimirum, videtur Hieronymus sibi non nihil aliquando permisisse ultra fines candoris. Nam & illud de officioso Pauli mendacio, accusante Augustino, non aliter purgat, quam hoc praetextu, quod Chrysostomi sententiam non suam ipsius propriam retulisset.*

IX. At Synodi Laodicae cur imbecillam dixit autoritatem Canus? Nam Synodus fuit Christiana; Quod si non Oecumenica, tamen Orthodoxa & Catholica. Et ne Carthaginensis quidem tertia, qua se illi tenetur, inter vniuersales computatur. Quae si approbata fuit à Trullana: ne hac quidem parte illi Laodica inferior est; nam aequae ab eadem Trullana approbatur. Tum antiquior fuit Carthaginensis: proinde caeteris par, hoc vno saltem superior. Sed non negauit inquit Canus, hos libros esse Canonicos. Imo, inquam, negauit, eo ipso quod noluerit inter Canonicos numerare; *Non oportet*, inquit Synodus, *libros qui sunt extra Canonem legere, nisi solos Canonicos Veteris & Noui Testamenti. Quae autem oporteat legi, & in autoritatem recipi, haec sunt, Genesis, Exodus, & quae sequuntur.* Audin' tu, libros distinguere in duos ordines, vt alii sint extra Canonem, alii Canonici? Audin' tu eos tantum legendos, qui sunt Canonici? Audin', eos enumerari quos oporteat legi, quos oporteat in autoritatem recipi? Conclude eos numeratos qui sunt in Canone: proindeque eos relictos, qui sunt extra Canonem.

X. In Rufino profus ridendum se Canus propinauit: cum eum dixit ignorare patrum traditiones. Videlicet eas Canus melius nouit. Sed ita pertinaees solent nodum scindere, cui non sunt soluendo. Saltem animaduertere debuit, idem reliquis illis exprobrandum patribus, qui sunt à nobis enumerati, Melitoni, Origeni, Eusebio, Athanasio, atque aliis. In quorum non exiguo numero, securior poterit Rufinus eum Canonem habuisse? Quasi autem eum aliquem possit Canus nominare, à quo ij quos rejicit facti sint Canonici. Et non potius ab omnibus aequae antiquioribus inter apocryphos reiecti. Nam ipsi etiam diligentissimi Papistarum, nullum habent antiquiorem restem Augustino, qui tamen iuuenis erat tum cum Rufinus ad senectutem peruenisset. Quis autem Rufinum merito accusarit, quod recentior se sententiam non sit sequutus? Non considerauit igitur Canus quid obiceret.

FINIS LIBRI QUINTI.

LIBER